

ZRZESZ KASZEBSKÓ

CZĄDNJIK
KASZEBSKJICH ZAJMOV



V MJONO BOSKJI
NORODNI VZENJIK

Vědovajáci i redaktor wodpovjedzalni:
IGNACY SZUTENBERG — GDYNIA
ul. Świętojańska 14.

»Zrzesz Kaszëbskô« věchodô 1 roz v mje-
sáci. Przedplatnô je rocznie 3,00 zł;
kwartalno 0,75 zł. Czqdk 25 gr.

NR 8

KARTUZE, zělnjik 1938

ROK VI

CENSEMUS GERMANIAM...

Dziseszë Njemcë Hitlera, zagrozajacë spokojovi Europë, imperjalistecno nastavjonë v szczegle procem norodom slovjańskjim, to njebezpieczni vrzod na celsku naszigo kontinentu. Žoden zdrovo mesláci człowjek nji može sę zgodzec z tim, abe v cządze ternjeszim sę zgrovalo na jego dobro, a navetka žecë; rosztu ze statecznotë protestuje abo przëklastkuje. V jimjë czegu tak sę robji? Na to njima vjasnjenjigo — to vszedni rozboj, a chto starô sę go wuspravjedlevjic, som sę le wosmjeszô. Przëboczme le so artikjel z „Manchester Guardian“, chteren Njemcom vskozeje drogë kolonizaceji na... vschod! Hevoz Anjelczicë sę przëncëni do tego ōrtu metodov i sami sę na nje zgodzaja — ale varenk: nji musza jic procem jich interesom.

Probka zachłannoscë faszizmu — to zavojovanjë Abisiniji, Chinov, Austreji. Njewudonô na szcescë probka — to Czechoslovacejô. Ti wostatni nje zlekëlë sę njemjeckji zgrovë, le vëkozëlë v kriticznych dnjach vjele zëmni krëvjji. Nje je przëtim wuspravjedlevjoniks. Hlinka navetkanorodnã dejã za vrogji stanovjiszcze procem Pragji v takji chvjilë. Nje je tež wuspravjedlevjoni vjikszi dzël prasë polskji, dmuchajáci v zorzevjë czesko-slovackji. Želi sen wo vëszoscë germańskji rasë nji mô stac sę javã, to je to zadanjë vespólnigo i sparłëczonigo bloku vszetkjjich norodov i państv slovjańskjjich v wopjarcim wo Zochod. Timczasë v svjace slovjańskjim je rozdzarcë, wuprocemnjenja polsko-czeskji sztolteja sę ve vërazno njeprzëjacelskji. A pamjëtac przënôlegô, že Czechoslovacejô je pierszim etapem planov Hitlera. A potimu? Nje volno dopuscec do te. be v njebezpieczni chvilë zochod Europë wod nas sę wodvrocel.

V Polsce kvestejô njemjeckô nje je provdac tak groznô, jak v Czechoslovaceji, ale je njebezpiecznô.

Na Pomorzim i ve Vjelgopolsce je jesz za vjele zemji, za vjele spoldzelnjov i fabrikov v rëkach njemjeckjjich. Timczasë valka z njimi jidze barzeczko wospale. A co nogorzij, že vjele nom nasłonech ledzi jesz po dzis dzeń nji može wodroznjic Kaszebov wod Njemcov. Valcelë jesme z Njemcami wod samigo poczãtku dzejov, a v svjadze ti valkji wutracelë jesme terene z wobech stroa Wodrë — a ekspansëjô Polskji szla v kjerenku na vschod. Na terenach zos, zabronech przez Njemcov, v knjazestvach pomorskjjich, na Misznji, Łuzecach, Szlãsku etc. mjeszkaja vedle teoreji zhisterizovonech Njemcov „Urgermanen“ — chterni Prësom delë vjele vjelgjjich ledzi. Pretenseje Njemcov sigaja jesz dalij: Goebbels wogłoszô, že prziscë Polskji do morza provadzi przez wodvjeczne zemje germańskji!

Starorzimskã devizë „divide et impera“ — realizeja Njemcë z calã svojã vētrvaloscã na vschodze. To przëhoczivomë tim Slovjanom, co wokazeja vjicij žeczoscë Njemcom, njizle Czechom i tim Polochom, eo ve Gduńsku vjidza mjilij svastikë hitlerovskã, njizle kaszëbskjiho Czornigo Grifa. Tim wostatnim przëboczivomë lata 1307—1309: Łokjetka, Svencë, Krzëžokov i Branjiborzov. A historejô sę povtorzô...

Kaszebji

Pamjëtajta, že Njemcë to nasz novjikszi vrog — won nama vëdar najô wojcovjiznë, dëszë i vjarë — won z najich pobratimcov nad Wodrã zrobjel novjikszych vrogov Slovjańszczëznë; przëkozanjim naszim je boj z njima na smjerc i žecë!

SŁOWJANIE Ę KASZEBII

Nje jidze tu nama wo wodnowjenjé spjerkji, jakim je stanovjiszcze Kaszebow v trojni rodzeznje słowjańskji. Ta bę kvestejō — zdovō sę — nje bądze njigde rozstrzęgnjētō tak jasno, jakbe nowuka tego prażela i bądze za to polę domeslenjigo ě po-ezeji. Nje je tež voźnā — hevo tech czōs. Słowjanovje, choçi za gves starszē plemjē anjigle Germanovje, v dziejach svjata zajmaja dotądka mol skromnjeszi njiżle hene ne. Nje jidze, vjidzi sę, tak baro wo długotę czasu, kuli pravje wo zveskovni varenkji i wo vortosce kulturalnē, jakji vĕtvorzelē norode a wōne rozstrzigaja wo znaczenjim czilže wo starszeństvje norodov. Hevoź Słowjanovje tak pozdze vzenjikaja ve vjidze kulturē, vjidze bjijećim wod Rzimu, że le z grędzim so dobelē jakji takji mōl kole tego wognjiszcza, a co slode njich je ě belo, wostanje vjereť navjedno ve mgle njevjadē.

Jidze nama wo dobetnjenjē njechternech gvoscovoscov v rozklecim kulturē słowjańskjich norodov i wo konsekvencje z tech gvoscovoscov plenjace. Hevoź dva są dziejovi czennjikji, co decideja wo rozklecim norodu v Europje: Zetknjęcē sę z państvem rzimskjim a pozdze: chrzest. Woba te czennjikji są terusku zlonē i zmodifikovonē. Norode europejskji, chterne sę zetklē z Rzimijanami, są dotądka mjarodajnima v svjece. Słowjanovje do njich nje noleżā. Pozdze decidova wo rozklecim norodni kulturē kolejneta przęjęcigo nowukji Christusovi i stępień przejmianjigo sę njā. I hevo belē Słowjanovje njevskovno postavjoni, le mē Kaszebjii jez njii negorzij. Norodnō jesta ve vęszszim znaczenjim poczēla sę wod chrztu. Chrzescējaństvu i jegoź krzevjicelom zavdżeczaja pomorskji knjazestva svoj rozkvjit. Potimu jednak wuprocemnjenja politicznē i religijnē poczinaja sę rejnovac. Na Pomorzanach decidejajo zagrędzelē dva fakta: njemjeckosc i leterskosc.

Hevoź ze vszetskjih nabotov (wpływów) Zochodu na Słowjanov nomocnij zagrędzelē na njich chrzescējaństvo i civilizacejō łacińskō — abo jejich spaczennjē: sekcarstvo i germanjizm. Polskę wusztołtvalē katolicezm i civilizacejō łacińskō. Cali sens jeji dziejov, cali vsebot (treść) słowa norod abo kultura polskō, navetka sens jestē Polskji mō v njich svoje vĕtlomaczenjē, hevoź v tim, że Polskō (jedinō ze słowjańskjich norodov) sę mogła woprzec — poprzez pustkovjiszcze protestantizmu i jinszech herezeji wo Rzim papjeskji i — poprzez morze germańskjih nabotov wo Zochod. Dze germanjizacejō szla v parce z protestantizmeť, tam nje wostalo szlachu po Słowjanach, tak v woczach naszech gjinā: zo-

podni Pomorzanovje, Łuzeczanovje etc. Sęla njeszczecelskō je jich tak vjelgō, że bodej vschodovō barbarzacejō nje zagrędzela tak fatalno na ledach słowjańskjih. Wuprocemnjenja, chternim wuleglē vschodovi i polnjovi Słowjanovje, choçi są analogicznē, wostovjomē slode rozvożanjigo, nas bo Kaszebow nje ticzą. (Je to jedno z dziejovch dobrodziejstv ze stronē Wopatrznoscē). Dze te nabote dzalaja v dzēlu, tam Słowjanovje njetelko są barzeczko zahamovonē v rozklecim kulturalnim, ale navetka z trudna trzymaja svoją norodnā jestē. Przęklade: Rusce, Czesze, Kaszebjii. Rusejō zavdżeczō koneksejom germańskjim wod Pjotra, zvonigo przez Njemcov Vjelgjim — carat i marksizm, woba kulkovje (grabarze) tego novjiksziĝo i nobogatszigo materjalno i dechovo norodu słowjańskjigo. Czeche, nobarzij zamjilevonē v volnoscē norod słowjańskji, wopjarlē sę provdac dobetno germanizaceji i temu zavdżeczaja bĕť politiczni, ale takže zvalczalē katolicezm i to jego njeszczescē, podczas kjej norod słowackji wobok njego spanjalo rozkvjitō. Wu nas Kaszebow germanizacejō i wostatecznō zoglada norodnō kanęla dopjerzē wu greńcē katolicezmu. Mē dziseszi Kaszebjii zavdżeczomē v pjerszim rzędze katoleckosce przed nabocim polskjim wuretanjē dziejovigo bĕtu. Je juverno jak z Mazurami varmińskjima, chternech nje wuretel navetka bezpostrzedni vzjāzk z Mazovszem anji vjelgō sęla etnjicznō jich kręvjii mazurskji.

Żeli dobetnjimē, co z tego svjādeje, że dlo Kaszebow je jediné wopjarcē jak nomocnjeszē wo Koscol i wo Polskę — to vjicij jakno redosné stvjerdzenjē njilze jako vĕmog. Nji mō to tež znaczeć, jaknobe to „wopjarcē“ belo jednim i vszetskjim, co nom vĕpodō częnjic. Majacē v katolicezmje jedinā dzis możlevā formę ducha, a v civilizaceji łacińskji (polskji) nolepszą formę žęcigo z postrzod znonech ě vĕprobavonech, momē wobovjāzk vlevac v te forme svoj vsebot (treść), v njich rose i sę tredzec.

(Postępnj vātk)



A. Labuda

Wo pomorskjich bogach ě duchach

(vedle mitov mirachovskjich)

Czôs pjervech belo vjele bogov ě duchov na Vjelgjim Pomorzim, a belo z njimi dobrze przodkom naszim. Wone to strzeglě norodni jestě, norodni kulturě, mově ě zvezě. A za to mjeszkaě v pesznych kontinach i doznovalě poczestnoscě tak ve věsokjich paĽacach, jak i v njiskjich checzach.

Le wodkãdka zěbjiszczce cezeně poczěło sě vzěrac wod zopodu, kontine szě v popjoĽ ě rejne. Navetka przednjeszi z bogov wostelě bez checzě ě daku. Muszelě sě tacec po bezlednych pustkovjiszczach abo v gěbokjich lasach. Le kjej i tam cezena zazdrza, bogovje ě duche szě na vzenjik sĽũca, coroz to dalij ě dalij.

Szě vjedno na vzenjik ě v nordě; wod Elbě pod VjisĽ, wod Njecě pod BoĽt. Tak v czãdze dĽugjich stalati przěvanozelě jaż do nas, do modrasti krojině. Hevo to nalazĽ bezpjeczni mol v kaszeb-
skjich lasach, dze jesz cezena nje doszĽa. Z lubocim slechajã wojczesti mově ě spjevě, bo bez nji žěc nji mogã jak lebi kvjõtkji bez sĽũca.

Przednjeszi z bogov, jak Bjelobog, Czernibog ě Płaczěbog žějã jesz po dzis dzeń v podanjach, povjostkach ě bojkach. Žějã svojim tajemnim ě dzevotnim žěcim bojkji. Majã svoje sedlovjě zdola wod ledzi, bo gěbok v przesnożech lasach mirachovskjich. Tam mjidze jezorami Lebogszczem ě Klěczenem — jak godka jidze — na věsokjim podgrzepjim mjoĽ roz kjedes Bjelobog ě Czernibog wuroczesto przějimac Svantevita, věněkańca z Arkoně, Svarozěca z Retrě, Trzěglava ze Szczecena, dalij Gerovita, boga vojně, Porenuta, strzěãcigo vjernetě malżeńskji, Parona, boga pjorenov ě vjodra, Ładě, bogijně mjiletě ě pjěkna przirodě, Guska, ducha dzejovi spjevě, Vjětka, ducha muz ě pesznych vjětov i jesz vjele, vjele jinszech bogov ě duchov, věněkańcov z ďalekji Pomorskji.

Pjervij lud zbojoĽ sě tech bogov ě duchov, dzis bogovje ě duche zbojajã sě ledzi i tacã sě v gěbokjich lasach. A zbojajã sě bodej wod tech czõs, jak nastoĽ Jastrzěbog. Czernibog poczãł bodej vojovac z Jastrzěbogjem, bo hevo tak godka jidze:

Nomlõdszi Klěcza, co beĽ na zomku knjeza v ďalekji nordze, varceĽ do wojczestech stron i jaĽ godac:

„Njima Bjeloboga, njima Czerniboga,
le je jeden Bog — Jastrzěbog“.

Za to na Jigrzecni na zimkovech jigrach skożoĽ go Mirchov na „płaczka“. Le won sě nje věrzek Jastrzěboga. Tej Czernibog vpod v straszni gorz, vezvoĽ Gerovita i Parona. A kjej z mocě Parona pjorene poczěĽě bjic, gora drěžec i jezora kjipec ě boĽdovac — Gerovit věpusceĽ z Ľěka trzě strzale i trzech wostatnych Klěczov padĽo trupě na grzepie Płaczěboga. V ďalszych pobjityvach Czernibog rěkã Garicza, vastě na Garecznjicě zabjil Dargoleva i Elbeně, pesznã corkě knjeza Mirchova. NjedĽuguszko potimu trzě zomkji szĽě v parzene, v popjoĽ ě rejne: Mirchovo, Klěczeno i Garecznjica.

V rejnach tech zomkov majã po dzis dzeń svoje sedlovjě i wutacenjě vjele duchov, jak Morlava, co chereż roznoszõ i robji vjeszczech ě wopjich. Mora, co ledzi i dobetk morzi, Mumocz, co lechli v zotore jezor, rzek ě stedzeń, Chochõk, co v lasach ě gorach chocholi i podkorbjõ ledzom, ŽetnõMac, co mjeszkõ wob late v žětach, vězdrzi jak žaba ze zvjislima pjersami ě woczami jak talerze, Kanja, co vězdrzi jak storõ panna z põgubovonima skarnjami ě żoĽtã mjazdrã, vjeczno pragnjãcõ przějimõ latem szlachotě jastrzibě i žěpje deszcz z chmurov, PoĽnjica, co njigde nje zazna szczescõ mjiloscě. Ta vanozi calechni lato wo przipõlně nad rzekã Lebã, a kjej wuzdrzi snożě dzevczãtko kochoně, co jidze szekac njezaboczkji, chĽosci jě sĽodkjim gĽosem na zberk rzekji. Tej Mumocz sě wodezvje z gěbjji:

„Czas, godzena, czas!

Jõ zdajě na vas!“

I PoĽjica zozdrosnõ spjichõ dzevczě do rzekji:

„Czas, godzena. czas!“

— V Kartuzach v ville sp. Majkovskjiho wostaĽa wodemkĽõ vistava historeczno-kulturalnõ. Na vista-
vje věstavjoni sã dokumente, rěkopjise, ksãżkji, foto-
grafje, czãdnjikji, vzěre sztekji ledovi, věszivě ěj.

— V Varszavje, v „Zachěcie“, věstavjile wod-
novjoni wobroz poĽwostrovu helskjiho z XVI st.
Wobroz pochodzi z koscoĽa svõrzevskjiho, dokãdka
przińdze nazod.

— Dnja 18. VIII. mijõ 10 lat od založenjio
„Zrzeszenia Regionalnego Kaszubõw“ v Kartuzach.
Ti, co mesĽ tě rzucele i jě věkonelě, bele v. A. La-
buda i J. Trepzik.

— Dnja 12. VIII. tr. wumar ve Vrzeszczu (V.
M. Gduńsk) Kaszeba Antoni Rompczik, chteren przed
vojnã vjele zrobjil dĽo wodbudove Polskji.

WZIENNIK ARKONIË

Tragedejô v 4 aktach — AKT PJERSZI

5)

Ale cež? Czeję jakbe spjik
 Szed na mje i zgjiboł do sadnjęcô.
 Skarń moja je zgrzanô (sodô). Ja, cež to dô?
 Czeję jak stredzali... To snjik...
 I wocze mje scigô i nogji mer...
 Jak z glene mje głova v til jidze ter'.
 To... — Ark... — — Tam vjidzę — kontina!
 Zemjo, ju jes mje wuziba.
 (Cechnje, wuspani, zôs na zdrz. vchodają bjołi deche
 z Guslorzë na przodku — je zmrok).

Z d r z a d n j ô 3.

GUSLORZ (vskozivajęcë na Aliksa):

Tu leži.

DECHE:

I z nje mô vstac Pomorzko?

GUSLORZ:

Leno z nje rozdergô...

DECHE:

Ji głos?

GUSLORZ:

Maji won guslë povstë spjev
 Roznjese...

DECHE:

Vszetkjm dô z nji grez?

GUSLORZ:

Do gvosni ju zgrovë do lubjenjô
 Tego, co vardze zczvordelë.
 Geronji chebą zmuždzelë,
 Bracô naj gorzë zmozglë tež.
 Oh, pravje dlo vaju chce, brate, dac
 Wocmanjô z dzejov najech spjev;
 Dlo vaju mô guslë won rozdergac!
 Won z VCZORA mô znankji jesz bene se,
 Won VJITRA mô blizë v se zoczątku.
 Jesz słabą, le dosc ju pod wognjiszczce,
 Co parłecz wod Vjislë do Elbë dô
 I dvjignje Pomorzka nom z wupodku,
 Bratov, kraj Lechov, zmocnji chvat;
 Do naju Slovjan zôs go deje zdô —
 Žebe sę lubjel z bratë brat.
 Jô kapłon Svjantevjita dzis jem dëch.
 Przode jem dzeje ledom groł
 Na guslë, be czele z nji rodni ton
 I kormë z nji mjelë na vjeczni czas.
 Le przëszed dzeñ chebni — proch wostel z nas.
 Zleglë kontine! Głos co grzoł,
 To rodni naj czëcé — oh, gorzel — scech.
 I scechła jes Pomorzko, kroju moj!
 Jak cechnje po smjercovim marszu zvon.
 To eche vstec brzätvji kask scechli zdroj
 Bolu — to v cisze skomą žgrze

Za tim, co v cemže grobu je...
 Chcë povstë mjec z grobu naj Pomorzki.
 Cemžë chcë roztluc meri grob!
 Oh, deche ti zemji! Njeh zaskęczi
 Vajô pjers chlechë dzejovim,
 Poli vseczecim wognjovim.
 Oh, lede, va czejtal! To gorzko liza
 Nad grobë naj chvalë — to senov chlech...

(Do Aliksa):

Të dzecë go czejesz. Ce poli ta
 Kr'vavô, bo stajel v ce ju znob.
 Dzis jidzesz głos zbudë dlo braci klëc,
 Bjej v svjëti ti wudbje dukt novi rëc.
 Barń moję ë dechov mosz wuzetech
 Rozvjidnjë cemžë v slunca dnja.

DECHE:

Nają mosz spjercov moc, më v cel!

DECH I:

Brace! Tu z wostatnech Slovjiñc
 Vlevô cë jiver ë naj žol,
 Žebe v ce kanał chvatu juñc,
 Žebe jes wodpojal naj mol.
 I nama doł ceszec sę vjidu dnjem,
 Bo cemžô tak merô! Jô wostatk jem
 Z naju tu czëcé Pomorzki.
 Svjat glëchi na naju je zjivrzonech!
 Jivrë sę mało rozkreszi
 Trzebno mu bjołą cesnac stol,
 Zreszi go pojigji le szol...
 Zôs jinak je dalek, be zbrzätvjonech
 Vodov tu zgładzec roz choc chrzept.
 Leno z ce može vziñdz nom vnet
 Ta vjidnech dnjov, ta zlotô slunca gorń,
 Z ce Slovjiñc ždze na svoji povste barń.

DECH II:

Moji Tatczeznje služel jem,
 Jak przëkoz sin belni po tatkach mô.
 Vdoržô mje gvesno jesz som Dan,
 V bjotkach kjej vzal jem dobëcé.
 Choci jem wumar zare z ren
 (I tež tej naloz varg svoj skon),
 Jesz žejë strzod gardov, mje koždi znô.
 Jize to moja krev Rujan
 Zreta wod bjotkov, pojmanjô.
 Vjic moja moc mjeczna njeh bëdze v cel!
 Wumrzë choc, spolec be mjoł krzem
 Mdžë cvjardi na bole, na pot, co ždze.
 Bo zemji ti mosz skrzesac wudbë, chvat
 Snjik grobov tu be stol sę z jivru lat.

(pvm.)

Cědovná koszëla

(Povjostkji kaszebskji, dzěl II — postępnj vatk)

Wovce szlë na zomk krolevskji, ë Mjichôłk szed z njimi. Krol go so pitól: Povjédz, knopje, co edzã moje wovce?

Mjichôłk vëjon chustkë z taszë, wodvjinãł hostjë jë pokozól jë krolovji ë rzek: To je živnosc tvojich wovc.

V tim momence zmjenjelë së wovce v lëdzi. Głupi jich vëbavjil. Krol rzek: Sinku, do n jô ce vszetko, co tã le chceš. Žëcze so co! Mjichôłk wodpovjedzól: Nje vjem, co so mom žëczec, bo jem głupi. Ale vjtro povjem, co potrebujë. Krol so na to zgodzel. Mjichôłk szed drogã do jezora do stôri babë, co sedza v rovje. Povjedzól ji, jak to mu vszetko szło ë pitól së:

— Starinko, povjedz mje, co jô so mom wod krola žëczec.

Baba rzekła:

— Sinku, žëcze so koszëłë. Ale vez tã trzecã z koszëli, co krol ce mdze dôvól.

Mjichôłk szed do krola ë rzek: Dej mje koszëłë, bo moja je podzartô. Krol na to pokozól mu jednã koszëłë, ale Mjichôłk rzek: Ta koszëla je dlô mje mołô, dej mje jinãã. Krol podól mu drëgã, ale głupi povjedzól:

— Ta koszëla mje je za vjelgô, nji môsz tã jinni? Krol tede podól mu trzecã koszëłë, a Mjichôłk rzek:

— Ta mje pravje paseje, jakbë krôvc jã dlô mje wuszil. Podžekovól krolovji ë szed nazôd na Kaszëbë, do svojeho vojca. Wopovjodól vszëtko, co przežil, ale vojce ë bracë mu njic nje vjerzelë, rzekle:

— Të vcałosce nje beł wu krola, bobë cë gvëšno nos ë wuszë wucëlë.

V sobotë woblek Mjichôłk svojã koszëłë, ë jeho bracô go nji mogli vjidzec, choc won blisko przë njich stojól. Vjedzól, že mjôł cědovnã koszëłë, ë kto jë noseł, ten stól so njevjidzalní. Cěszil so, ale njikomú wo tim njic nje povjôdól. p. v.

Rozvožome...

V wostatnjim numrze „Klëki” (13) podani je vjerzt ze „Sbioru piesni swiatowych...” vedanim przez Cenovë 1868. Przed vjerztë je przëpiisk. Czekavi. Podpjisoni L. R. Pjszã v nim przëpiisku, že vjerzta tego nje znelë Ramułt, Kryński, Karnowski, Majkovskji, Mańkovskji i v. L. Loppel (takjigo vastë më nje znajemë, meslimë jednak, že mô to bëc v. L. Roppel).

Nas mocno czekavji, dloczego v. Roppel podani wostól kol tich nazvisek. Cëž won takjigo zrobil? Më vjemë wo njim, že won dopjerze zaczinô i že busznje ë jurnje polemizeje. Młodi — mozemë mu vëbaczec — ale koždi pręznô, že jeho „Przyczynki do recenzji artykułu ks. prał. A. Mańkowskiego o Fl. Cenowie w P. S. B. (Zrzesz Kasz. VI, 1, 2) bełë jakjisz njesmaczni. V. Roppel „vsod” tak na ks. Mańk., jakbe ten wostatni le akurôt nazłosc ë procem v. Ropplovji pjisól. V. Roppel atakovól, wodsapivól ë zôs vpodól. Bjedni ks. Mańkowski!

Przëtim je lesz jaknobe ntp. v. dr Majkovskji nje znól „Sbioru”. Kjej v. L. R. (baro podezdrzani skrot) je czekavi, njech že së zjavji v „puritańskjich” Kartuzach v „Zrzeszë” i mdzeme mu mogłë pokazac v zbiorach Majkovskjio nen „zbjor” do nech czos nje znani a „wodkreti” przez „pana L. R.”.

Zakuńczenjë zôs teho przëpiisku je kãsk dzivni. Njejedem be së spjitol: dlocze woni to tam napjisale? Cëž za požetk? Wostatné zdanjë je tež dôsc njeszczestlevé. Choba že autor so nji moze rozdzelec czasov Cenove wod najech. Že to ju mjinełô vjele lat, že Kaszebjizna przeszla vjele zmjanov i že më mome pravo bëc vjicij kaszebskji — jak Cenova. Tak. vasto L. R.

Dlo „Klëki” na zakuńczenjë jedna dobrô rada: më svojã drogã, va svojã. A cze chceta nama dovac radë — to lepij rzucta sprave kaszebskji ë vezta so ju v całosce za propagandë partijniho stronnjictva.

Momë vjedno szczescë do teho, že chtos nama muszi przewodzec. Kaszebjí nje chca, broń Bože, abe jim mjoł rozkazivac Kaszeba. Lepji zgjinãc — njigle dopuscec do teho. Poprovdze, tak je nolepij: Trzimmë so ti złoti zasade, a mdzemë vszetce, po vszetkji ezase — słuhele jinnech.

Ks. Chudzińskji, jeden z redaktorov „Pielgrzyma”, na wostatnim zjezdze Stronnjictva Norodniho v Kartuzach vëgłoseł tež m. jin. kjile zdanjov wo Kaszebach. Co tež mog ks. Chudzińskji povjedzec. Rozmjejac së na spravach Kaszeba rzeczã: wo separatizmje kaszebskjim i wodgadnje. Ks. Chudzińskji jesz dođol: tak jak to bełô ju przed vojnã.

Më zôs so chutko przëpomnjimë, cëž to bełô przed vojnã? Vej v 1910 r. „Pielgrzym” napod na Majkovskjio, woskarzil go, nawubležel mu — a potemu wodvołól, bo sąd tak nakozól. Sąd nje-mjeckji muszól „Pielgrzymowi” nokozac, muszól vstrzemac jeho robotë rozbijajãcã nad zjednoczenjim Słowjan! „Pielgrzym” wo tim zabóczel.

Dzis znovu ks. Chudzińskji przëstrzegô. Situacejë naszë porovneje do sudeckji. Më to, jak ni Njemcë sud. — godô ks. Ch. — chcemë autonomji, Separatise! Koždi słucho: cëž tež won rzeczce wo

Slovakach. Njick! Wo tím, že Slovace rozbijaja jednotę Czechosłowaceji — njick. Njemcě, jak to Njemcě — jima możemě vëbaczec, ale Slovakom, Slovjanom z krëvji ě gnotov, tima mě, ks. Chudzińskji, przebozczec nji możemě. A timczasę ksądz wo Slovakach i jinnych norodovoscach v Czechosłowaceji anji słovka, le wo Njemcach. A nas porovnoł do Njemcov. Czëkavé! Mëbejesmě to nazvele debeltną moralnośćą.

Z Vilna mają běc nadovani słechovjiszcza v jëzuku bjoloruskjim. Woburzeło to mocno „Słowo Pomorskie” (26. VII), chterno pjsze tak: „A nie łaska to, panowie z Ozonu, uczyć tamtejszych kacapów mówienia po ludzku, czyli po polsku?” Żebe takji zdanjě mogło so wukozac v kulturalnim cządnjiku, to je nje do pomeslenji. V ten sposob wobrazac jakjis norod, to nje je godni civilizovonech ledzi. To sę może choba zdarzec v Azeji, nje na Pomorzu.

B. S.

KASZEBJI v XVIII ST.

(Z „Encyclopédie, ou dictionnaire universel raisonne des connaissances humaines“ t. 7, Yverdon, 1771).

„Krój Kaszebov, dzěl Pom. preskjiho abo brand., znajdivô sę v wokręgu Gorno-Saskjim v Njemcach. Krój nen timczasę tvorzi knj. vosobni, chterno so rozcigo v novoźnjieszim dzělu kol Persante i wobimivô mjasta: Kolberg, Belgard, Novi Szteteno, Koszalino i kjile jinnych voźnjeszczch mjastov z vjeloma zomkami ě vsami. Nažva knjazestva wostała z czasov, kjede jesz krol preskji, teroznjeszzi pon (souverain) wodbivoł v njim rząde, ale tero mô to znaczenjě administracijné, bo inkorporacejô mjala mol v czasach generalni regenceji knj. pom. v Sztetenje. Kaszebji, chterni mjeszkaja v ni provinceji, są partem Vendov: jich rasa tvorzi ksztolt dosc verazni: są jurni, roboczi ě czesti; rzodko parłeczelě sę v ženjaccě z jinima norodami, bez co jich charakteristika ě domoci zväczaje vëroźnjaja jich wod reszte Pomorzanov; są lëtrami i godaja jëzekę podobnim do polskjiho. (D. G.)“

PRZEZER VEDAVOV.

Dr Al. Majkovskji „Historia Kaszubów” Gdynia 1938. Skład główny: Stanica — Zrzeszenie Regionalne Kaszubów, Gdynia, ul. Świętojańska 3, m. 3. p. 11. Str. 301, cena zł 10,— i 4,—.

Jantar R. II, 2 (6) czerwińc, Gdynia. Artikle: K. Piwarski „Zagadnienie bałtyckie w opinii polskiej XVII wieku“. A. Spekke „Wiadomości geografów arabskich o narodach bałtyckich wczesnego średniowiecza“. Z. A. Rajewski „Kultura Pomorza w okresie wczesnodziejowym“ i j.

Teka Pomorska“ R. III, 3, mój-czerwińc, Torń. Artikle: A. Ryniewicz „Gryf w służbie Orła Białego“. H. Piskorska „Stolica Pomorza“. J. Gajek „Stroje ludowe na Pomorzu“ ij. Do przezdrzeni bibliografjô pomorskô.

— Sprawy narodowościowe R. XII, 1—2. Warszawa. Artikle: „Ukraina między wschodem a zachodem“. „Liczbą i rozmieszczenie Serbów Łużyckich“ ij. Mjidge recenzjami: St. Novakovskjiho „Jan Kilarski, Gdańsk“.

Ruch Słowiański. R. III; 5, 6, Lvov.

Dekada, cządnik akademickji, nr 21/22, lepińc, Warszawa. Numer poswęceni morzu i Pomorzu. Artikle: J. Bieniasz „O Wszecznicy Pomorska“. A. Bukowski „Toruń duchowa stolica Pomorza“. M. Magdański „O studia historyczne nad Pomorzem“. „Pomorze i Wybrzeże“. „Tradycje naukowe Torunia“. „Pionierska działalność Instytutu Bałtyckiego ij.

Polak-Greko-Katolik R. V, Lvov.

Lvivski Visti R. II, Lvov.

Chryścijanskaja Dumka, R. XI, Vjilno
Biełaruski Letapis, R. III, Vjilno.

Slovansky Prehled R. XXX. 6; Praha.

Dnja 3. VII. wodbeł sę zjazd PAK! „Cassubia“ v Kartuzach.

— Akademickji part Kaszebov v Kartuzach vëstavi 14 i 15 VIII sztekę Fr. Tredera „Vreje“.

— Novi biskup gduńskji ks. Splette je z pochodzenjiho Kaszebą.

— V latarni morskji na Rozevju wurządżono „jizbę Żeromskjiho“.

— K. P. W. z Vejrova vëstavjilo v Wolevje sztekę ledovą Pavła Szefkji Wesele na Kaszubach.

— V „Monitorze Polskim“ z dnja 11. VII. tr. wukazało sę wogłoszenjě wo zalegalizovanjim przez wojevodę Pomorskjiho „Stanicy“ — Zrzeszenjě Regionalni Kaszebov v Gdinji. Celę teho stovarżisenjiho je: Szerzenie znajomości ziemi kaszubskiej, współpraca z czynnikami państwowymi i społecznymi nad rozwojem życia gospodarczego i ruchu spółdzielczego, działalność w dziedzinie literatury i sztuki kaszubskiej.

— Drzevorit na str. 54 vëkonol St. Brzęczkowski (drek. beł v „Gryfie“ 1925).

Tłukjem Zrzeszě Kaszebskji v Kartuzach.